


LIZAZI LA BAHAME

 . . .tabernakele, kona tapelo yaka. Ni tabile hahulu kakusasana cwana, ka kubona bupahamo bwa za moya bwa tabernakele ye, mane ni kuli, sisupo sani kwani, ba libelezi cwale kuyaha keleke yenca. Na sepa ya tokwahala. Mi mubone kasamulaho . . .haiba Mulena Jesu aliyeha, kasamulaho lumano ya, ba kaba ni . . .bana ba luna ba kaba ni sibaka kwa kuya kwa keleke. Mi lubata kulwanela “katata Tumelo ye ne filwe hañwi kwa balumeli.” Ni sepa kuli yeo ki nto yende.

² Mi hane Ni kena fela mwahali, mizuzu nyana yefitile, ku ekeza kwa bupaki bo buñata bo bu bulezwi kale ka za foliso, ka mikopano yelikani ye felile, kwa tabernakele kwanu. Zeo lisweli fela ku ekezeza ka buñata, za lifoliso, lifoliso zetuna ze makaza.

³ Ne siile musala ka fande, ona fa cwale, ni bana fa—fa munyako; mi ne kuna ni kaizeli, yaliteñi mo cwale, na tabezi hahulu luli kufitela a kala kulila, ka za makazo yetuna yene ngile sibaka ku muikulya hae, kwatasi kwani, Na sepa, ki mwa Chattanooga. Musala Bo. Nash, fa, muikulyao wa mushimani na nyandiswa ka butuku, mi mukopano wa mafelelezo kwanu, Mulena Jesu, Na sepa, na li bizize, mi ali, “SA BULELA MULENA KISONA, kuli, bu felile. Mi u kaba hande.” Mi mushimani yani u iketile hande mane ufolile, kuya fela ka mwa kona kubela.

Mi ki—ki tabo, ha mu utwa bupaki bwani.

⁴ Mi cwale mutangana yani, yaliteñi ni yena, a kupela musala Bo. Stotts litapelo, ya sa zo pazuliwa fela. Mi ze ne ba bata; mwabona, haiba hakuna ya bata kuli lu ba lapelele, kupalañi za bona. . .za bonisa, haibile fela ulika, batu ba bata kuli mu ba lapelele, kona kuli bona, kuna ni ze ba bata, mwa bona. Fokuñwi libanga bumaswe, kufitela . . .isiñi bumaswe, kono libanga zeñata luli, kuli uswanela fela kumatela kokuñwi ni ku yo ishuumusa toho ya hao fa nako nyana, ni kuipata fa nako nyana, ka kupila. Kono, Ni—Ni tabile kuli ba eza cwalo. Musike mwa nahana kuli ha Ni latangi ku ba bona, kakuli haiba ba . . . haiba nekusina yana bata kuli ni mu lapelele, kanti bulumiwa bwaka ne bukaba kai? Mwabona? Mwabona?

⁵ Kono fokuñwi ha mu bulela kuli, “Muzwale Branham, Ha ni utwisisi sicaba ha si ku bizaka cwalo, mi—mi uka sikuluhela kusili.” Ni lukela kueza cwalo kuli ni pile, ku lapelela sicaba. Wena fela hauna . . . Ha ki—ha ki sibaka fela silisiñwi, kwanu. Ki mwa lifasi kaufela. Mwa bona? Mi—mi ki nto yetata luli. Mi Ni ziba hande kuli mwa utwisisa zeo.

⁶ Oh, ki nto yende hahulu kuba Mukreste! Ha ni zibi fela se ne Ni ka eza kambe ne si bakeñisa Kreste, mi kacwalo . . .ni kuba ni

kutwano ni Bakreste, ili, sicaba sa Tumelo yeswana, baba lumela ku Mulimu mi ba Mu sepa; mi ba lumela kuli zazi leliñwi le li kanya lu ka feza ndwa ye kaufela, ni kuba ni tulo, ni kuyema ba liuluzwi mwa kuswana kwa Hae, mwa buse bo buñwi.

⁷ Mi hape Ni tabela kufa fela zibiso yelikani, kuli, mwa tabernakele yetaha, ni zeñwi cwalo, Ni...lu sweli kulukisa sinca mutomo waluna, sihulu siemba saka sa mikopano ya likundi. Kutaha cwalo mwahala mikopano kaufela kukalela fo Ni kalela taba ye, kwa neku la bulumiwa, myaha yemiñata kwa mulaho, kufita kueza mutomo, kuba ni sikwata sesiñwi sa batu, Ne ni itusisa fela sikwata sene Ni ziba; mi kuzwa...ni kutoma mutomo, kuli mikopano yaka kaufela ne bulukwa ka libizo la Branham Tabernacle. Mi lani ne li ka itusiswa kwa panga yebizwa Union National Bank mwa New Albany, kuya ka masheleñi ana ka lifiwa—ku lifiwa ka yona, kuli haina kukena mwa kuteliswa. Kambe Ne ni si ka eza cwalo, masheleñi kaufela a na ka fiwa na ka lifwa kwa mitelo ki na, kambe Ne ni sa itusisi Branham Tabernacle kuba mutomo.

⁸ Buñata bwa mina mu ni utwile ha ni bulela cwalo, nako ni nako. Ni na ni kueza cwalo, mi kuli...ili kuli ni eze cwalo. Mi cwale—cwale lu toma mutomo o munca cwale. Mi lu tabela kuli kuya ka buñata ba ba ziba kuli Na...Ki babakai baba ni utwile ha ni bulela cwalo, kuli litifo kaufela, Ni sebeza ka Branham Tabernacle? Amu nanule fela mazoho a mina, kaufela...Luli, kaufela mina. Ki kaufela.

⁹ Mi kacwalo sebelezo ha se ifelile, haiba muka lata, Ni na ni manzwi nyana foo, ili kuli mina, haiba mu ka nyatela hamunze muya. Muzwale Roy Roberson ukaba ni yona kwa mulaho kwani.

¹⁰ Kakuli, lu ka toma mutomo usili, nto yeswana, fela...kono ki mutomo usili, kuli masheleñi aluna kaufela ni lika zeñwi, ze fumanwi mwa mukopano, li be zetokwile mitelo, likaba ni...kubeiwa, sina kamita, mwa Union National Bank, kuli isebeze ka tabernakele, mwa sibaka sa kuba ni—ni muto...mutomo usili fela. Kakuli, wo kale kale ki mutomo, ka libizo la ba Branham Tabernacle, mwa bona. Mi kacwalo kuna ni Branham *fa* ni Branham *fani*, mi sina cwana, ni mitomo ye shutana ye sa zamai hande.

¹¹ Muzwale Roberson uka tokomela zeo, mina baba lakaza, hanze lu ya cwalo. Lu ka itumela ka zona.

¹² Cwale, kakusasana cwana, lu si ka kena kale mwa sebelezo, Ni tabela kubulela, haiba Mulena alata, kuli Ni ka lika kukuta hape busihu boo. Ni toile ku amuhanga lisebelezo zepeli kaufela Muzwale Neville, kono u ni kupile ka likute kuli ni kutaze hape busihu boo. Mi haiba Mulena alata, Ni bata kubulela busihu bwa kacenu fa tuto ya bulumiwa, ye filwe toho ya taba ye: *Ki Mañi Yo? Mwabona? Ki Mañi Yo?*

13 Mi kacwalo kakusasana cwana, Ni bata kuli. . . Ne ni sweli kunahana za—za ku kutaza kakusasana cwana fa tuto ya Lizazi La Bahame. Mi Ni ziba kuli musihali wo mi kakusasana kaufela litezi fela litukiso za Lizazi la Bahame. Kacwalo Ni hupuzi kuli Ni ka kopanya fela nto yeñwi, kakuli lu bata kulapelela bakuli kapili kasamulaho wa sebelezo ye kufela, mi sina kamita.

14 Lu lumela kuli Mulimu ki mufolisi, mi U folisa bakuli ni baba imezwi. Mi Na ziba U ezanga cwalo. Mi lifitelezi ku—ku kakanya kaufela, kuli, kakuli kuna ni bupaki bobuñata hahulu bo bu beilwe, bo lu ziba cwalo.

15 Maabani Ne ni sweli kotalima mwa saka yeo Muzwale Gene ni Leo ne ba bulukile, ya bupaki bo ne ba nopanga. Mi neli saka yetuna luli molosi ya zetabisa, lifoliso ze makaza zeo Mulena aezelize sicaba.

16 Mi Na hupula kuli, haiba zeo likona cwalo, kucwani ha ne lu ka buluka kaufela ze ne ezahalile? Na sepa, mwa Puerto Rico ni Jamaica, feela, ne lu ka kwanisa teni sauzande, kamba kufitelela, bupaki bobu fitelezi, bwa lifoliso za Mulena Za ezize.

Cwale lu si ka apula kale Buka, ha lu amboleñi ku Mukalisi wa yona.

17 Mulena, lu itumela hahulu ku Wena, kuli ye kiyona, ha lu inamisa litho za luna, lu ba fela ni sikukuma ka manzwi a kubulela; kakuli ha Ni lumeli kuli zeo li mwa milomo ya batu ku bonisa maikuto a pilu ya muuna kamba musali, mushimani kamba musizana, yakile aba ni tamahano ni Wena. Ku bonahalisa buitumelo bwa luna, ka mo lu itumela ku Wena, ni So talusa ku luna. Li lu kauhanyize kwa sibi, mi li lu kauhanyize kwa lifasi. Mi si lufa sika sa Kuyakuile ni se si fuyozwi. Mi ha lu si ka fumana manzwi aswanela handende.

18 Sina mo ne ku bulelezwi hañwi ka muuna ya ishuwile, lisunda nyana ze fitile, kuli na kona kubulela hande mwa mishobo ye naini yeshutana, inza swalelezi mayemo a hae sina muelezi ku Muteleli wa naha ya luna ya lateha, Dwight Eisenhower. Mi ni ha na ka bulela ka mishobo ye naini, handende; na bulezi kuli, ha to amuhela Moya o Kenile, na likile ye naini kaufela, mi ne kusina manzwi ana fumani, hakuna sa na bulezi, mi kacwalo Wena wa mufa mushobo omunca wa kubulela ni kuitumela ku Wena ka ona. Mi luikutwa ona cwalo, hape, Mulena; kuli, bupilo ha se bufelile, kuli mwendi luka ambola hamoho mwa mushobo o shutana, kuli lukone kubulela se lu nahana ka Wena.

19 Cwale lwa kupa, Mulena, kuli U fuyole tabernakele ye, mulisana wa yona, basepahali ba yona, madikoni ba yona, balikani ba yona kaufela, sicaba se si pota kwanu, kukena mwahali ni kuzwela fande a minyako. Mi ha ifumanehe kamita kuba ye neezwi, kuba sibaka sa pumulo yende, koo baba katezi bakona kutaha mwa minyako ni kufumana pumulo ni kozo kwa

mioyo yabona. Ni kuli bakuli bakone kutaha mwa munyako wo, ni kuzwela fande ba folile, bakeñisa Kubatani ko kupila ko ku safeli kwa Mulimu Yamata kaufela Yapila mwatasa situwa sa yona.

²⁰ Lwa ka kupa, Mulena, kuli mwa tukiso ye taha ye. . . yesweli ku pangwiwa cwale, kuli U kopane ni ba katengo ni ku kopana ni bona kaufela. Mi haiba sa Ku tabisa hahulu kuli kukaba tundamo ya kupuzo ka litapelo ze ne lapelezwi mwa lisa la kale le, mi ni masinde a tezi fela bucwani, zazi leliñwi; kuli cwale se ibile ndu ya liseli, sibaka sa pumulo yende ku baba katezi, bakeñisa kalabo ya tapelo yani.

²¹ Cwale lu swalele ka sika kaufela se lu ezize, kamba se lu bulezi, kamba ku nahana, sene si shutana kwa tato ya Hao yetuna; mi hupula, Mulena, ne li si ka zwa mwa lipilu za luna. Lukona fela ku li bonahalisa mwa kezo ya luna kamba mwa milomo ya luna. Kono, kapili, U lu utwile. Ha lu bona kuli lwa fosa, ne lu itakaleza ku li bulela. Mi halu lati kubuluka bumaswe, mwa lipilu zaluna, fo he kipeto lu ziba kuli Mulimu haana ku alaba litapelo za luna; kono lukana lu bakela lifoso za luna kamita.

²² Mi lwa kupa, Mulena, kuli U fuyole, kakusasana cwana, mwahala naha kaufela, sina mo i sweli ku nyakalalela kupuzo ya Lizazi la Bahame le. Kono le lisike la ba fela lizazi la—la bahame; lizazi lifi ni lifi li be cwalo.

²³ Mulimu, lumeleza kakusasana cwana, kuli bahame, basali, baba yambaezi kwahule ni Mulimu, kuli ba tahe kwa mayemo abona luli, kakusasana cwana, mi ba ka lemuhā kuli seo linzwi lelili *me* litalusa ki kuli, “yena ya ipepezi.” Ha lemuhē kuli litabelo, kuzwa mwa tamahano ya hae ni muuna hae, ibile lipeu zende zetabisa zeo Mulimu abeile mwa pabalelo ya hae. Mi, Mulimu uka mu buza lipuzo ka kupepa bana bani. Mi sina Mañolo habulela, kuli, “Musali yomunde, ni me, seo ali sona, kuli bana ba hae ba mu bize ya fuyozwi.”

²⁴ O Mulena, ha lu bona lizazi le, ha ba hahulu kwahule ni Mañolo, ni kueza fela mane inge libatana! Lwa lapela, Mulimu, kuli U lufe ancafazo ya mufuta wa kale ye ka ba bizeza kwa sibaka ko ba lukela kuba.

²⁵ Mulena, haluna kuba nihanyinyani, kupale kumane, kulibala kuitumela ku Wena ka bahame baluli, kakuli lu ziba kuli luna ni baba cwalo baba pila kacenu; bahame ba niti, sakata. Mulimu, ba fuyole. Ki bufumu bo butuna ku luna, mi lu lapela kuli U zwelepili kuba ni bona, Mulena, mi ha ba pile ka tabo ni kubona muselo wa mba ya bona unzo sebeleza Mulimu.

²⁶ Mi lwa lapela, Mulimu, kuli baba tinile palisa yende kakusasana cwana, kamba palisa yesweu, ka kubulela kuli maa bona u silezi kwabuse bwa sibaka se sa kezo kacenu; mi, Mulena

Mulimu, ba pumule mwa kozo ni misebezi ya bona i ba latelele. Lumeleza cwalo, Mulena.

²⁷ Cwale nga Linzwi la Hao, Mulena, mi ubulele kwa sicaba, ni ku bafa buiketo, kakuli kona ze lu kopanezi mo; ku to utwa Kubateni kwa Hao, ku utwa Linzwi la Hao, ni ku fuyolwa; ni kuzwa mo bali baaba babande ni basali, bashimani ni basizana, kufita mo ne luinezi nako ye lukena. Lu kupa se ka Libizo la Jesu, Mwana Mulimu. Amen.

²⁸ Na lata lubala Linzwi la Hae leli fuyozwi. Kacwalo he lu ka sikuluhela, kakusasana cwana, mwa Buka ya Makorinte Bapili, ni kubala siemba sa kauhanyo ya 15, kukalela ka timana ya 1.

Konohe, banabahesu, Ni mi hupulisa evangeli ye Ni mi bulelezi, yona ye mu amuhezi, ye mu tiyela ku yona;

Ye mu piliswa ka yona haiba mu ibuluka, inze ili yona ye Ni mi bulelezi, ku si cwalo ku lumela kwa mina ki ko kusina tuso.

Kakuli pili ku zeñwi Ni mi file se Ni amuhezi ni na, kikuli Kreste u shwile kabakala libi za luna kuya ka mo ku ñolezwi;

Ni kuli ukile a patwa, mi a zuha ka lizazi la bulalu mo ku ñolezwi mwa mañolo;

²⁹ Wakona kubulela kuli, “Muzwale Branham, yeo ki palo ye shutana kwa Liñusa la Bahame.” Kihande, yeo ki niti. Kono, mwa ziba, Mulimu ki ya ipitezi, mi U ezanga lika ka nzila ye ipitezi.

³⁰ Mi Ni nahana kuli, milelo yateñi, ki ya me. Mi Ni na ni alimuñwi kakusasana cwana, ka sishemo sa Mulimu, u sa li teni mwa lifasi le ni luna. Mi Na itumela ka kuba ni me. Kono ka kuba kuli luna ni kuba, hape, ni sebelezo ya foliso, mi ni sa zibi kuli ne Ni ka kuta hape busihu boo, kono Ni hupuzi kuli mwendi ne lu ka penta fela siswaniso se si shutana kwateni.

³¹ Me ki mutu yomutuna hahulu. Mwa ziba, wa pili ya ku amuhela, mwa bupilo boo, ki maho. Hakuna ya kona ku ku swala, kakuli u itwezwi, mi u ku lwalela mwatasa pilu ya hae. Mi ki yena wapili ku kuziba, mi wa pili hape, mwa bupilo boo, ku—ku ku swala. Mi, ha u pepwa, ki alimuñwi a mazoho a pili a ku swala ni ku ku taula mioko kwa meto a hao. Ki yena wapili ku kunata fa mukokoto ni ku kulata, ni ku ku batiseza maikuto a hao, mwa bupilo boo, ki yena maho. Cwale, Ni sepa kuli hakuna likute lelituna le lukona kufa ku boma.

³² Me ki yena wapili ni mwana, mi una ni musebezi omutuna ku mwana yani mwa ka bela, ku ka itinga ka me yani mwa ka huliseza mwana yani mwa nzila ya swanela kuya ka yona. Me una ni musebezi, o zwelela ku Mulimu, kuli a huliseze mwana yani mwa nzila ye lukela. Mi Ni sepa kuli kona libaka ba hame ba na ni muswalelo o ipitezi.

33 Na ziba mushimani yomuñwi mwa muleneñi woo. Ni sepa kuli bomahe bateni mo cwale. Lu bata kuzeka butaka. Kono ha Ni buleli cwalo kuli ni mi utwise bumaswe bo mahe; kakuli ba na ni likolofalo zeñata, sina bahame kaufela. Kono mushimani wa nwa, mi u nwanga ka kusela mungomo luli. Mi cwale ha kozwi luli, uka taha kwa ndu ku to tulela fa mumbeta ni bomahe ni ku ba kambeka mazoho. Mi una ni baikulu. Kono kuna ni sesiñwi ka muswalelo wa me, o bonahala kunga sibaka se—se sishutana kufita muswalelo usili kaufela mo ukona kubela; foo ki kuli, mwa bupilo, kubulela ka butu.

34 Mwa ziba, muuna ya swana sina Mushe, yena . . . Haiba Ne ni ka bonisa buitumelo kwa buino bwa hae, neli bakeñisa kuli nana ni mahe ya lumilwe ki Mulimu. Mwa ziba neli yena yana lapezi, Jochebedi, mi na lakaza mbututu yoo. Mi ha na pepilwe, neli yena ya na mu kuzisa, ni ku mu apesa ni kuyaha areka ni ku mu beya mwa mataka a nuka, pilu ya hae ye lobehile inge i utwa butuku. Mwana hae fela anosi, mi neli ne—ne li bonahala bukuba hahulu mwa lifasi kaufela. Mane me kaufela mwa latela mbututu wa hae! Kono neli kuli abone mbututu yomunyinyani yoo.

35 Mi he, mwa pilu ya hae, na zibile kuli na pepezwi mulelo omuñwi, mi ni ku muisa ni ku mubeya mwa liñope kaufela la likwena, mwa nuka yani. Ka tumelo a eza cwalo, ka kuziba kuli Mulimu na ka mu babalela; mi ka ku kusufaza lilato la me, ni kezo ya mukwa wa tumelo ya hae. Kakuli tumelo ha i ipezi fa mashabati a bulumuka a sa kona kubona; tumelo pumulo ka kutiya fa licwe le li sa zikinyehi la Linzwi la Mulimu la Kuyakuile. “Kakuli ka tumelo,” kubulela Mañolo, “na ezize sa kuli.”

36 Mi tumelo yakona kuba ni mayemo ayona fa licwe, kuli mandinda asweli ku ca mutomo wateni, ni kotalima pata ni pata ni lifu ni kuziba kuli ikaba mwa bunyinyani fela, kono tumelo i kona kotalima mwabuse bwa liwate ku Yana bulezi kuli, “Kina zuho ni Bupilo,” kono ni kupalelwa nibahiba ku utwa mandinda a buba.

37 Wani kona mufuta wa tumelo yene bana ni yona bomahe Mushe. Na mu lutile ni ku mu uta mwa muleneñi wa Faro, ka ku muluta kuli na pepezwi mulelo oomuñwi, kuli Jehova na alabile tapelo ya hae. Mi, musali . . . na si ke aba ni muluti yomunde. Sani kona tuso itisa ka kubupa mukwa wa na nani Mushe.

38 Ni lumela kuli neli Abraham Lincoln yana bulezi nako yeñwi kuli . . .

39 Cwale, ha Ni wa ba Tukuluho kamba ba Milao, Na fela . . . Ni Mukreste. Kakuli, Ni sepa kuli neku le liñwi halikoni kubulela bumaswe ku ama neku leliñwi; kaufela zona ki ze bolile. Kono, Abraham Lincoln, ka kubona kwa ka, neli alimuñwi wa . . . mi neli alimuñwi wa batu Baeteleli bao United States ye ikile ya ba ni bona; hamoho ni Washington, ni zeñwi cwalo.

40 Kakuli, Abraham Lincoln nana ni—ni butata luli. Na li mubotana. Nasina makalelo, kuya ka za tuto, kamba—kamba nto yeñwi yetuna, kamba masheleni, kamba nto yeñwi yene ka mu tusa, sina Washington mwa na ezelize. Washington nali munituti wa kwa koleji, mi na—na ziba; nali muuna ya butali, muuna yomutuna, ka kukala. Kono Lincoln na hulezi mwa kandu ka mabala ka kanyinyani, mwatasa libaka zetuna za Kentucky, mi kusina bulilo fafasi mwa kandu ka mabala kani, kakainzi kuba kupuzo yetuna mo mwa Louisville cwale. Kono, kakuba muuna yomutuna yo nali yena, mi nana itutile mwa kuñolela, fa mubu wa na kekelu, kucala mbonyi.

41 Kono Na kona kutambeka se kwa batu ba banca. Kana mwa ziba kuli Abraham Lincoln na si ka ba fateni ni buka mwa bupilo bwa hae, kufitela ha na bata kuba ni myaha ye mashumi amabeli ni iliñwi ya kupepwa, kwanda Bibeletu ni buka ñozi Foxe ka ba bulailwa? Mwabona, so bala si bupa buino bo uli bona. Ki kabakaleo haluna ni sikwata sa lipulumuki kacenu; libuka nyana za makande a buhata, ni za matapa ni bukuba, kona ze fumaneha feela mwa litaba za lipiho mwa makande aluna. Nana ni Bibeletu ni buka ya Foxe ya babulaiwa. Mutalime se ne i muezize!

42 Kono fapila lika zani kaufela, zazi leliñwi a bulela taba ye cwana. Ki hali, “Haiba kuna ni nto yende yekona ku fumaneha kuna, ki bakeñisa me wa bumulimu,” ya na mu uta kuli a sebeleze Mulena.

43 Mwa bona, mwana una ni kuteeleza ku mahe; kuswaliwa nyana ka me yani, ku ka tusa mwana ku utwa. Haiba a utwa butuku, ukaya ku mahe kwa kutusiwa a si ka ya kale ku bondatahe. Kakuli, nali pili ni yena, mwa ziba. Mi kuna ni mpo yeñwi yeo Mulimu afa me, kuba ka nzila yeo; Ni talusa me wa niti. Cwale, Ni lumela kuli bahame ba kutekeha mi ki ba bumulimu.

44 Kono Na lumela, kuli sina Mazazi La Bahame, sina cwana, ki kabapaliso ka mbola, ka kuba ni masheleni amañata ka lipalisa ni lika zeñwi. Kono lizazi la bahame li lukela kuba cwalo zazi ni zazi. Isiñi ku mu lekela sishañata sa lipalisa ka Lizazi La Bahame, kono ku mulata ni ku mu babalela ka mazazi kaufela a mianda yemilalu ni a sikisite faifi ni masihu a ona, mwa silimo kaufela. Kono, eeni sha, lifasi la litekisano lina ni lika zetuna sina cwana, mi za—za—za mu kusufaza me.

“Oh, kihande, Lizazi La Bahame la mafelelezo Ne ni ba lumelelize lipalisa.”

45 Ne ba itumezi, hahulu luli, kuina fela fafasi ni ku ikambota nyana ni bona fa nako nyana, fa taba nyana, wa ba swala fa liheta, wa ba tubeta fa lilama, ku ba bulelela kuli wa ba lata. Zeo li ka ya fahule kufita lipalisa kaufela zo kona kuleka ku mulekisi wa lipalisa. Yeo ki niti.

46 Ni lumela kuli neli mwa Milao ye Lishumi, za Cecil DeMille, ya na űozi ni kupaheka fa mazimumwangala iliűwi ya libaka za butokwa za filimu ya lifasi. Mi i sika beiwa kale fa mazimumwangala, kamba ku lumelezwa kuli ibuhiwe ki sicaba, Cecil DeMille a biza Oral Roberts ni Demos Shakarian, ni sikwata sa bakutazi baba Evangeli Yetezi, mi a ba kenya mwa ndu ya hae ya kupangela mafilimu ni kubuhiwa filimu ya liholo zene ya Milao Yelishumi, ni ku ba buza mihupulo ya bona ka yona. Mulimu apumulise moyo wa hae o bundume!

47 Mi ha Ni ibona, na italimela, mi ne kuna ni manzwi nyana ana ni swalanga kwa pilu. Haiba buűata bwa mina baba iboni, neli fani mwana musizana wa Faro . . . kasamulaho Mushe afumana kuli nali mu—mu Muheberu, mi a iketela ku yo pila ni sicaba sa hae. Mi fani ne kuinzi mahe yomunde, ya setefezi, ni milili ya limbi wa sifateho se si kokonyani, ali kuina mwa sipula sa kale sa bulezi; me luli sakata. Mi mwana musizana wa Faro ataha. Mi ki hali, “Na kanti Ni mwana bo, maűi?”

48 Mi ha li to zibahala, kuli Jochebedi nali yena mahe. Mwana musizana wa Faro, ni mipende ya hae ni zeűwi cwalo, ni kaufela za na lukisize; ki hali, “Kono, talima! Wakona kuba mwana hao, kono,” yena ali, “Ni mu file sifumu ni libubo. Wena hakuna so mufile simbotela sa sileza.”

49 Kono musali muhulu wa limbi ali, “Kono Na ni mu file bupilo.” Yeo kona shutano. “Ni mu file bupilo.” Mulimu u mu file Bupilo Bobusafeli. Ha ki niti ni yeo, ima!

50 Fokuűwi batu ba ni bulelanganga kuli, haűata mwa mikopano yaka, Ni kutanga “hahulu ka za zuho.” Mi Ni balile palo kakusasana cwana, kauhanyo ya bu 15 ni timana ya 4 ya Makorinte Bapili, ka za zuho.

51 Kono, mwa bona, mo ba bonela me kacenu, ki sikocela sa lipalisa ze beilwe bukaufi ni musali wa mucmbele, ya supezi mi ya palelwa ku nanuha, mwendi, mi ki ya fokola, wa toho ya limbi, ni ku kokonyana, ali kuina mwa sipula sa kuyendamena hande. Yeo ki niti luli. Kono Ni bata kunga taba ya ka ni ku mi swaniseza siswaniso sa seo boma bali sona.

52 Yomuűwi naize, “U kutaza hahulu zeűata ka zuho. Buűata bwa Liűusa kaufela lina ni sesiűwi ka za zuho.”

53 Kiűi, luli. Ki—ki sibaka sa butokwa sa pumula ya sibaka sa Evangeli. Hakuna taba ka sa Na ezize, kambe Na si ka zuha hape kwa bafu, kona kuli kaufela zona ne li kaba za mbango. Seo, ku na, si paka kuli Nali yena Mulimu. Si paka buipuleli kaufela bwa Na bulezi; kuama zuho! Mi hape ki sibaka sa pumulo ya moyo. Kona makalelo. Kona mushukwe wa susuezo ya luna.

54 Mi ha lu bona kuli Na zuhile kwa bafu, si lu toma luna ni lilwaniso za Evangeli, mwa mafulo a ndwa, kunga sibaka, sa kulwana. Kakuli, lu ziba kuli Na ize, “Ya ka latehelwa ki bupilo bwa hae kabakala Ka uka bu fumana hape.”

55 Mi Ni sepa kuli ki mushukwe omutuna wa Evangeli Yetezi ka za zuho, mi ki lisepiso ze Pahami zateni, mi susuezo ye fiwa ku baba sepa cwalo. Kakuli, i sepisa tamahano yetuna ya kukopana kwa luna hamoho hape. Ya sepisa, mi ni—ni kufela kwa sibi kaufela. I sepisa kufela kwa kusinyeha kaufela, manyando kaufela o lubile ni ona ku se, e lu fitile kuona, mwa bupilo bo. Ya sepisa, ni kuyonga kwa zona kaufela. Li sepisa kuli nahaiba lifu lika latehelwa ki mata a lona, mi lu ka zuha ka kuswana ni Jesu. Kacwalo, kuya ka muhupulo waka, zuho kona sepiso yetuna hahulu mwa lika za Mañolo kamukana. Kwani kona ko ne li swaezwi.

56 Mi Paseka ya mafelelezo, hane Ni sweli kukutaza fa litaba ze ketalizoho za kuli:

Kupila, A ni lata; kushwa, A ni pilisa;
Kupumbekwa, A lwala libi zaka;
Kono, kuzuha, A ni beya ya lukile kuyakuile.

57 Lani kona Lizazi la ka, lona Lizazi lelituna lani mwa mazazi! Ni kubona se li ka talusa, ku luna kaufela, mwa zuho, halunze lu ikataza ni kulibelela Lizazi le li fuyozwi mwa mazazi!

58 Si lufa sepiso ya kuli basupali bani ba kale, ba bafokola, baba sina mata, ba litho za limbi, bahame baba botehile ba ka cincywa. Isiñi fela kuli me uka ina fani, anosi, kono lubasi lwa hae kaufela hamoho ni yena.

59 Mi ha ki lizazi ni leo mo li kabela! Ki nako ye cwani, ha lu talima fa lifateho za bo lu lata hahulu! Ha ki shutano ni yeo kakusasana wani, ha lu ka bona balatiwa ba luna, ni—ni kubona mo ba ka bela nako yeo! Mikatazo kaufela i ka zwiswa fateni. Mikwa kaufela ye totobeza ka manyando ika feliswa. Hakusana kuba malama a setefalizwe ki mioko ya lifu. Hakusana miyoko mwa meto. Lisepiso za zuho za ze kaufela. Hakusana kuba maswabi ni kamuta. Hakuna kunata nata mwana fa lilama, yeo ikaba sina siemba sa licwe; ko malukula a omisize mubili, ni kukasha ni kulamba mipende kuona, ni zeñwi cwalo, kuli u bonahale inge o iketile opila. Zeo halina ku yo tokwala hape, kwani.

60 Mi Ni nahana kuli ha lu ka ba bona inge bayemi kwani, balatiwa ba luna, bahame ba luna, bahesu kamukana, balikani ba luna kaufela; ni ku ba bona mwa mibili ya bona ye sa shwi, mibili ya bona ye sa shwi; ku bona mikwa ya bona, kubona mo ba ezeza mikwa yabona ka bunde bwani ni kukuza, kusina kuikalelwa kamba kufilikana. Ku ba bona ba yemi mwa siswaniso sa Mulena Jesu, lani ikaba lizazi lelinde.

61 Mi mañi ni mañi wa luna, mwa minahano ya luna, lwa kulubela ni kunyolelwa hola yani ya ku takulwa mioko, halu ka kopana ni bona. Mutu ni mutu unahana za balatiwa ba hae, mwendi ki bomahe baba ikezi. Mi ha ki lizazi ni leo mo li ka bela,

ha mu ka ba bona hape! Ni ku ndate, ni ku muzwale, ni kwa . . . balatiwa ba bani kaufela, ki lizazi mañi lani mo li kabelala!

⁶² Na nahana, nina, ona fa cwale. Ni nahana lubasi lwa ka, mo ku ka yo bela ku na ka Lizazi lani.

⁶³ Ni nahana cwalo, ka zuho yani kakusasana, mwendi wa pili ya ka to ni katanyeza i kaba Sharon waka yomunyinyani. Batili, haana ku njanja. Diabulosi yani hakoni kukena mwa sibaka sani. Hakuna matuku a meninjaitisi akona kunyamatala kukena mwa Naha yani. Haana ku yo ni laeza siyala foo kwani. Meto amanyinyani amande ani a mubala wa bu ndilu a ka yo ni kumbatela mazoho ni kuhuwa kuli, “Tate!” Ni ka tabela ku mubona, ka kuziba kuli haana kushwa hape; ka kuziba kuli ku felile, libaka le Ni kutaleza ka za zuho katata luli.

⁶⁴ Mi Ni ka bona bo mahe, bo mahe Billy, mushimani waka. Mi Ni na ni mihupulo yemiñata foo ye sweli kuzengana. Na hupula hane Ni sweli ku mu nanulanga; ku Bo. Combs, ona kwanu, ne ni muisa lwa mafelelezo, mi Ne ni sweli ku mu latelela mulaho, ka mota. Hane luile mwa mukwakwa o bizwa Seventh Street, ona kwani; Billy, ali wa likweli ze eitini za kupepwa.

⁶⁵ Mo ne ba mutiseza kwa mukwakwa, ni kuli ba mu bone. Mi na lobala ni kulila, ni kutalima mbututu wa hae, kono na sa suteleli bukaufi ni yena.

⁶⁶ Mi cwale mwa musipili wani, malukula ataha mi a shetumuka mwa—mwa—mwa mukwakwa wa Seventh Street. Boma kwanu ne ba mu babalela ka nako yani. Mi na yemi fande mwa patelo, inza tinile kaputula nyana cwalo, ni kuwani nyana ye fubelu kwa toho ya hae inge i shendamezi neku leliñwi. Mi cwale bomahe bani, inge ba lobezi fa kambeta kani, kwa mulaho wa ambulasi yani, inge ba ni talimezi, ha ba bona mbututu wa bona inza yemi mwa patelo, ka kuziba kuli na ya kwani la mafelelezo; ba nanuha fa kambeta ni kuhuwa, ni ku kumbatela mazoho a bona a otila ani, ku kumbatela mbututu wa bona mwa patelo. Kono na palezwi ku mu swala.

⁶⁷ Oh, ikaba tabo ku mu bona ka lizazi lani. Batili, haana kuba ni mazoho a masapo sapo, kamba nihaiba ona malama ani ku mbobela. Kono uka yema mwa bunde bwa mulena wa musali wa Lihalimu, ni me. Meto a hae amansu, amansu bwi inge mafufa a liñwalala, aka yo lutauka ka tabo. Habana ku yo weyuka maheta; kuli, yena daibulosi wa TB yani haana ku yo kena mwa Naha yani. Kono, ku sa shwa, ku ka yo yema mwa kuswana kwa Hae.

⁶⁸ Na sepa, cwale, yatatama ya ka yo ni katanyeza ikaba Edward, yo ne lu bizanga kuli “Humpy,” ka libizo le likuswani. Nali yena wapili kwa liwenge lelitama lubasi mwahala ba naini, liwenge la lubasi ku ba ha Branham. Ne li yena muhala wapili o no pumilwe; ki yena ya ni tatama. Ni ka yo bona Edward inza ni matela. Ibo, na shwile ali fela mushimani, myaha ye naintini ya kupepwa fela. Mi cwale ha Ni ka yo muswala fa lizoho, Ni sepa

hande lu ka yo ba ni zeñata ze lu ka yo ikambota, za bushimani bwaluna, kakuli ne luli balatihwa. Ne lu swalisani hamoho. Na ni lumelezanga kutina suti ya hae, mi—mi—mi ni lika zeñwi, sina bana bamba mizwale mo bakona kuezeza. Ikaba tabo ku yo mu bona hape.

69 Mi ne Ni ka mu utwa abulela nto yeswana sina cwana, “Kana u utwile manzwi aka, Bill? No sweli kusebeza za likomu, ka nako ya kufunduka kwa ka mwa lifasi. Kono mwa sipatela, Na luma linzwi hape kuli, ‘Mubulelele Bill lika kaufela li iketile.’”

Ni ka tabela ku yo bulela kuli, “Eeni, Ni na ni linzwi la hao, mwani mwa mukulo.”

70 Mi, Na sepa, ya tatama ikayoba bo ndate. Neli bona balikani ku bene baile, mi. . . Batili.

71 Ni sepa kuli Charles neli yena ya na tatami, munyaka ka muzwale. Na bile ni kozi ya fa mukwakwa inge a sa li fela mushimani yomunyinyani. Na hohololanga lihutu la hae la silyo cwalo, ha zamaya. Kono, mwa ziba, ha Ni mubona, haana ku yo hoholola lihutu lani. Kaufela zeo li ka yo fela kulo kwani, lu ka yo yema mwa bunde bwa bucaha.

72 Mi u ka yo ni bulelela kuli, inge nto yecwana, inge asweli ku menya. Uka bulela kuli, “Eeni, Bill, hakuna likozi mwa sibaka se kwanu. Mi Na hupula busihu luli bwani Ni si ka ngiwa kale ka kozi ya mota, no ni bulelezi ka zona, ne luyemi mwa malibela a muyaho wa ndu yaluna,” mi Ni sweli kutalima fahalimwa yona ona fa cwana. “No bulezi kuna ka za Mulena, liholo nyana fela ni si ka ya kale. Mi no li fa katala inge u kutaza ha Ni ya.”

73 Mi kiha ku ka taha bo ndate. Oh, Na ba bona. Ni ha ne ba ni file litupa zeñata, ona cwalo fela zene Ni tokwa, kono Ni ka bona sikusha sa milili yensu yani, inge ali ya mata kufita sapili, ka zazi lani. Mi uka ni talima, ni kubulela kuli, “Mushimani waka, wa ziba, Bondate habana ku nanuha fa tafule kwanu, nikamuta, nihaiba kuba ni kulapa, kuli bana ba hae bace, kakuli kwanu luna ni zeñata. Kwanu hakuna ze tondahala.”

74 Ku mubona ha sebeza, mi fa lilimo ze mashumi aketalizoho kamba sebente-faifi ma senti ka zazi, mi kipeto ba nanuha fa tafule kuli banana bace, ba kutele kwa musebezi hape. Mi ba beleka katata kufitela hembe ya bona i cisiwa ki lizazi mwa mukokoto, mi boma ne ba i sebulula ka sikele.

75 Ni ka yo ba utwa ba bulela kuli, “Bill, wa hupula busihu bwani wena ni Muzwale George hamutaha ku to ni lapelela hane Ni funduka? Wa ziba, Ne ni bulelezi boma kuli nekuna ni Mangeloi amabeli amasweu ana yemi kwa mumbeta, ni lingeloi le lifubelu kwa mahutu. Mi lingeloi le lifubelu ne li lika ku ni nga, kono Lingeloi le lisweu la yema mwahali. Mafelelezo la ni isa kwa Hae.”

⁷⁶ Mi, cwale, ya tatama mwa mundandwe kwa ku funduka, kamba yana ile, uka taha Howard. Ni ka bona Howard; sina mo ne lu latanela hamoho mwa naha yani, kai ni kai; na bizizwe kuba mukutazi; wa mayemo a butu sakata, kono balikani ba hae ba mu hanisa. Ngambolo ya mafelelezo yene Ni nani ni yena, neli kuli, “Ha Ni ya, Bill. . .”

⁷⁷ Na—Na mu bona ha funduka, ka pono, mwendi ka lilimo zene a si ka ya kale. Na mu bulelela kuli Ni boni Pop bondate ha ba ñola libita la hae ni kubulela kuli ki yena ya na tatama.

⁷⁸ Mi ki hali, “Kuna ni nto ilinwi ye Ni bata kuli u ni ezeze.” Ki hali, “Ni sinyize bupilo bwaka. Ni nyezi fateni ni lika kaufela. Ha—Ha ni zibi se ne si ezahalile.”

Se nili, “Kana wa Mu lumela, Howard?”

⁷⁹ Ki hali, “Ni zeli kuna kaufela, Na Mu lumela.” Mwa mazazi amabeli kamba amalalu asika funduka kale, a lukisa nzila ka kufumana kozo ni Mulimu, ni Muzwale Neville ni babañwi kwani. Mi ki hali, “Kuna ni nto ilinwi ye Ni bata kuli ueze. Ha Ni ya, Bill, u ba bulelele kuni opelele pina yeli, *‘U Ka Utwisisa, Ni Kubulela Kuli, ‘Uezize Hande.’*”

⁸⁰ Na lumela, Ni si ka swala kale kwa lizoho la Howard, Ni ka mu utwa ha yema ni ku ni talimela, ni kubulela kuli, “Bill, Na utwisize.”

⁸¹ Kuzwa fani, ku ka taha Muzwale Seward, Muzwale Frank Broy, Muzwale George DeArk. Oh, zuho italusa zeñata ku na. Na kulubela zetuna ka yona hola tuna ya mushukwe yani. Mi sina Liseli ha likala ku hasana, “Lu ka ziba sina mo luzibelwa.” Lu ka utwisisa, mi—mi lu ka hupula balikani baluna hamoho cwalo ni—ni bona bababile kale kwani.

⁸² Mi—mi babañata, kukaba babañata kwani be ne lu sa nahani kuli ku ba kwani. Kakuli, mwa ziba, ki ka nako yeo, kuli Ni lumela kuli “sinkwa se lu beile kwa batu, mezi a shelaukile, si ka kuta ku luna ka Lizazi lani.” Ha lu bona mata a bupaki bwa luna, fa sicaba se lu si ka utwisisa likezo za bona ku Zeo, ba ka yo ba teñi kwani. Ki Lizazi le licwani lani mo li ka bela!

⁸³ Mi he, hape, lipeu ze lu cezi, kusina neba ku nahana se ne si ka ezahala, kono ki ze fa. Li tisize miselo yeminde, mi lu ka yo libona ka Lizazi lani, bahesu baba yambaezi ni bahabo luna.

⁸⁴ Mi Ni nahana za likiti ze Ni boni ha li fetulwa, eeni, kukena mwa ma milioni cwale, ba ba se baikezi, ni seo bulumiwa bwa bona mo ne buinezi. Oh, li ka nga nto yetuna kufita zuho. Si ka nga Kuyakuile, kuli mutu akone kukwanisa kupotoloha ni kuswalana mwa mazoho ni kuziba lika ze Ni sa zibi cwale.

⁸⁵ Ku ka yo ba bahame ba kale ba limbi bani, mina musweli kutina liapalo za lipalisa zesweu zeo kacenu, baba ka mi bona, mi bakaba babande. Kusina kuyemelwa ki poto ya lipalisa, kamba siswaniso sa mutu ya supezi wa limbi; kono ka kuswana

ni bunde bwa zuho, ba ka yema mwa kuswana ni Kreste, mibili ya bona ya lihalimu, banana mi babande kuyakuile. Luli, yeo kona pumulo. Leo kona Lizazi la bahame le Ni libelela. Yeo kona kalulo ya mushukwe. Isiñi palisa ye beilwe fa lisila le li putilwe, kono kuapeswa mushukwe wa moyo, kakuli Mulimu u mu cincize!

⁸⁶ Ni hupula boma luli, macembele babasina mata, ni kunjanja bakeñisa luulu. Habana ku yo eza zeo ka Lizazi lani. Ku ka yo shutana ka nako yani. Mi Liseli lelituna lani ha likala ku hasana, halunze lu kala kotalima kafa ni kafa, mi sikwenda sesituna si ka ya siba butuna ni butuna ni butuna. Kaufela zona li bonisa fela muzamao wa Jesu. “Mi kasamulaho nyana,” sina pina ha ibulezi kuli, “mi Ni ka bona Jesu kwa mafelelezo.”

U ka yo ni libelela, Jesu, ya sishemo luli mi wa niti.

Fa Lubona lwa Hae lolunde Uka ni amuhela kwa Hae

Kasamulaho lizazi le limano likela.

⁸⁷ Mi halunze lu Mu bona, mi haluna kuba sina mo luinezi cwale. Luka—luka ziba mwa ku Mu latela hahulu. Haluna ku yo yema lu na ni sabo neba ye likani; kakuli, lu kaba sina Yena. Kihande, U kaba hahulu muhaesu ku luna kufita Mwa bezi ka cwale. Lu ka yo Mu utwisisa hande. Kakuli, lu kwahule hahulu, mwa mibili ya nama; mi lu kaba ni mubili oswana ni mubili wa Hae o kanya. Lu ka ziba mwa ku Mu lapela. Mi cwale ha lu bona Pata ya Sibupeho sa Hae se i ezize ku luna, ku lu cinca; mucaha yomunyinyani kwa mulaho, kuweyauka kaufela buhole kuba fela hande. Oh! Lu ka yo utwisisa ka nako yani libaka leo mata a Hae na lu folisize.

⁸⁸ Lipuzo ze bile mwa minahano ya luna, “Kana Ukona kueza cwani zeo? Ki sikamañi se?” Ka mukwa omuñwi, wa kunutu, fela zona li ka yunda. Linungo ze tamilwe kwa mulaho wa minahano ya luna, “Kana ku kaba cwana? Likona kuba cwani?” Ka mukwa omuñwi, ka buino busili, minwana ya silena i ka yo tamulula, ku tatulula manungo ani, mi kaufela li ka felela mwa mushukwe ulimuñwi wa lilato.

⁸⁹ Mi lu ka Mu bona. Mi lu kaba sina Yena. Mi lu ka Mu kubamela. Mi lu ka bona boma sina Mulimu mwa ba latela.

Boma habana ku yo likana Kwani kusina lubasi lwa hae.

⁹⁰ Kakuli, nako yetuna hahulu mwahala bupilo bwa hae kaufela ki kubona bana fa tafule, mi kaufela bona baiketile mi ba tabile; mi—mi—mi ni ku mubona ha sela kofi, kamba kaufela sa eza, ni kutateha mulalelo, mi bona ni bondate baina fafasi. Kiñi, yani kona nako ya tabo yetuna hahulu mwa bupilo bwa boma, kubona bana ba hae kaufela fa lapa.

⁹¹ Cwale, musike mwa mbwinja, musike mwa yo tondahala mwa Lizazi lani. Ubone kuli muhala omutuna wa lubasi lwa

henu u yo tamahana hamoho, mutu ka mutu. Sipoko kaufela i be mwa liwili. Mi cwale ha lu ka ina fafasi ni mabasi a luna ni likwata, mwabuse bwa situwa sa Kuyakuile, ha ki Lizazi ni leo mo li ka bela! Mi kona lu ka yo utwisisa.

⁹² Neli Yena yana sepisize se, mwa Sinulo 1, mo ne I bulezi, kuli, “Mukwale o lozizwe kafa ni kafa no zwa mwa mulomo wa Hae.” “Na bizwa kuli Linzwi la Mulimu.” Mi neli kuzwa mwa milomo yeswana yani, yene bulezi kuli, “Ki Na ya pila, yana shwile; mi Na pila kuyakuile.” Kuzwa mwa milomo yeswana yani, ku Muhalalehi Joani 6, seti- . . . i bulela cwana, kuli, “Hanina kulatehisa sika, kono Ni ka u zusa hape ka lizazi la mafelelezo.” Neli Yena yana file seposito; ona milomo yende yeswana yani. Ki Yena Ya lu pilisa, Ya lu folisa, Ya lu liuluzi, mi Ya ka lu zusa ka lizazi la mafelelezo.

⁹³ Haiba ki wena siemba nyana sani se si kauhanyize lubasi tuna lo ku ka yo ba kukopana sinca ka Lizazi lani, mi cwale Mulimu wa Lihalimu, kakusasana cwana, ka mukwa omuñwi o ipitezi, a kwalule manungo nyana a tamilwe mwa munahano wa hao, ni kupatulula ku wena lilato la Na ni ku wena, mi utahe hamunati ka ku Mu sebeleza.

Halunze lu nahana fa litaba ze, ha lu lapeleñi.

⁹⁴ Lu si ka lapela fela kale, mi mube ni litoho za mina zeinami, Ni ka mi kupa. Kana wa tabela cwalo, ka Lizazi la Bahame le, ku neela bupilo bwa hao sinca ku Yena, kutalima kwapili kwa zuho yani? Kikuli uka nanula mazoho a hao ku Yena? Kana mañi ni mañi. . . Mulimu ami fuyole.

⁹⁵ Kana kuna ni muezalibi yaliteni mo cwale, ya ka li, “O Mulimu, Na hani si ka ikenya kale mwa tamahano yani. Ki na ya ka yo tondahala kwani boma ha ka yo talima kwa ni kwa mwa Kanya. Hanina ku yo ba teni, kakuli Nali kuba ni eze kozo ni Mulimu. Hanina sepo ya Bupilo Bobusafeli ku na. Kono kacenu Ni—Ni bata kueza cwalo”? Nanula lizoho la hao, uli, “Ni lapelele kwateni, Muzwale Branham, ka nako ye. Ni bata kuhupulwa mwa tapelo, kakuli Ni na ni balatiwa mwabuse bwa liwate, lona liwate la Bupilo, mi Ni bata ku yo kopana ni bona”? Munanule mazoho a mina.

⁹⁶ Kamba mutu yomuñwi ya wile mwa tumelo, mi ya bata ku kutela mwa lizazi le, ni kubulela kuli, “Mulena, Na ipa ili na sinca ku Wena; ni taha ku to ncaafaza buitamo bwaka ni Wena,” kikuli uka nanula mazoho a hao?

⁹⁷ Ndataluna Yakwa Lihalimu, hakunze ku unzufala cwana, zazi le li ka sutisa lizazi liliñwi fakau fi kwa mukiti tuna wani. Mi lu hapelezwa fela, mwaha ni mwaha, kuli lubone se si yemelwa ki se.

⁹⁸ Sina sicaba hane si yanga kwa Jerusalema ka Lizazi la Pentekota, mi ku keniswa kwa tabernakele ni puteho ye kenile, ni—ni kutaleka nubu ya sibi; mwaha ni mwaha ne ba hupuliswa,

ngunyana yani ha i shwa kwani, kuli ku ka taha nako yeo Ngunyana ya Mulimu ne i ka shwa, ku to leleka sibi. Nako ifi kaufela ngunyana yani ha ne ilila, mi mali na hasakela fa mazoho abona, ne ba hupuliswa kuli ku kaba nako foo hakuba Ngunyana ya Mulimu, ye ne ka lila kuli, “Eli, lama . . . ? Eli, lama . . . ?” fa sifapahano.

Na lapela, Mulimu, kuli hanze lu talima kacenu ni kubona seo . . .

⁹⁹ Lisunda nyana kwa mulaho, ni si ka ya kale mwa sebelezo ya Hao, kwa California, yona Indiana ye neilobezi mukungulu mi ishwiile, mi nekusina bupilo, mo ne ku bonahalela. Lipalisa ze ne shwiile litabula le li felile. Matali na sa tutulehile kwa likota. Mi mezi a mwa likota na ile kwa mibisi, mi lika kaufela ne li shwiile.

¹⁰⁰ Kono nekuna ni mwaha lizazi ha li kala kumonyeha ka nzila yeshutana. Lona lizazi le liswana lene li monyeha mwa nako ya maliha, kono mata a lona a cincizwe mi li monyeha ka kushutana. Mi ka kubenya kwa lizazi, ni mikwa ya lona, bupilo bwa mela, kai ni kai. Matali a kutela kwa likota. Baba zwile . . . Bupilo bo ne bu zwile mwa litali, mi litali lawa kwateni, kono bupilo bwa zwa mwa mubu; la kutela mwa bunde bo bunca, mwa kutiya kwa bunca. Palisa ye ne katezi kufa—kufa liseli munko wayona, ye ne katezi bunde bwa bukabali bwa yona ni kuwela mwa mubu; kupepwa, ya tubula hape mwa bunca bwa yona, ni munko wayona o munde.

Ki sikamañi se lu hupuliswa, Mulena, ka liholo zee?

¹⁰¹ Mi lifasi la ba le li nsu, lihalaupa le li lila, kutaha mwa bunde bwa paradaisi, mi limuka ni linyunywani inge liopela, ni lika zeñwi inge litabezi mwa lipilu, mi likota inge li—li fukiswa ki moya o futumala moya wa nako ya mbumbi. Kufutumala ni tabo nekuli mwa lifasi hape, bakeñisa lizazi, l-i-z-a-z-i.

¹⁰² Kono zazi leliñwi M-w-a-n-a uk taha ni foliso mwa mafufa a Hae, mi ona bupilo nyana bwani bo bu patilwe inge mununo wa kota mwa kota, bo bu mwa mubu, inge bu—bu bupilo bo buli mwa palisa, bu ka tiswa kwa bunca hape, kusina ku letuka nikamuta. Oh, mo lu itumela ku Wena ka se!

¹⁰³ Mi nekuna ni babañata, mazoho amañata ana nuhile mwahalimu kakusasana cwana, kakuli ba ziba kuli kwabuse bwa lisila kwani, kuna ni sesiñwi. Ba lakaza kubona bo ma bona. Ba lakaza kubona balatiwa ba bona ni balikani ba bona, ni kufumana likunutu ze kaufela, mo li tahela kwanu, ni kutaha mwahala nako. Kaufela zona liinzi kwa mulaho wa lisila le li patilwe. Mi zazi leliñwi Wa taha. Mi ba nanuzi mazoho a bona; ba—ba—ba—ba bata ku ikolwisisa, Mulena. Basweli ku i ncaafaza ilibona hape, mi kacwalo ni Na ki nto yeswana. Cwale lu tuse, Mulena. Ncaafaza tumelo yaluna ni mata a luna.

¹⁰⁴ Mi halunze lu utwa ku atumela kwa Mulena. Mi myaha ye mashumi amane ya mafelelezo, kwa taha pentekota yenca mwa

lifasi. Moya wa kala kupatulula lika. Mi ki luna ba fa kwa sisupo sa mafelelezo, bukaufi fela ni Kutaha. Lu ziba kuli kutaha kwa Mulena ku sutelezi. Mi lu bona bakuli haba foliswa kwa matuku a bona, ze bile za kunutu kwa lifasi, ka myaha ye likiti zepeli, kuzwa kwa nako ya baapositola. Kono ki se fa sa bonahala hape, bapolofita ba taha, Mangeloi a bonahala, lisupo ni ze komokisa. Ki sikamañi seo? Zuho se i sutelezi. M-w-a-n-a sa taha.

¹⁰⁵ Ha lu itukiseñi, Mulena. Ha lu ingeñi hande sepiso ya Bumulimu kaufela; musike mwa nahana ka manungo amanyinyani atahile ka sayansi, ni zeñwi cwalo, kuli halikoni kuezahala. Zeo halikale ku tamuluha, kakusasana cwana, ka yena ya sa shwi...[Hakuna manzwi fa tepu—Mu.] ...kuya kwa Mwa nyanganyeza mwa Manzwi a Bibeke ya Mulimu, inge silimba se si cunilwe hande, kuli silile hande pina yateni, “Ki na ya Na shwile, mi na pila kuyakuile.” “Fa nako nyana, lifasi halina ku Ni bona; kono mina mu ka Ni bona.” “Kakuli Ni kaba ni mina, mane ni mwahala mina, kuisa kwa mafelelezo a lifasi.” “Mi ku ka ezahala kuli mwa mazazi a maungulo, kubulela Mulimu, kuli Ni ka sulula Moya wa Ka fahalimwa libupiwa kaufela; lisupo ni ze komokisa; baana bahulu ba ka lola litolo, mi mitangana i ka bona lipono,” sisupo sa pula ya masehulo ni nako ya maungulo. Ha li utwahahele mwahala luna, kakusasana cwana, Mulena, mi cwale tumelo ya luna i silelezwe. Kakuli lu kupa ka Libizo la Jesu. Amen.



LIZAZI LA BAHAME LOZ59-0510M
(Mother's Day)

Liñusa le ka Muzwale William Marrion Branham, neli kutalizwe lwa pili mwa Sikuwa ka Lizazi La Bahame, Lasunda kakusasana, Kandao 10, 1959, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org